



ریڈ کراس سوسائٹی

اساں اکثر سڑکاں اُپر دوڑنیاں گڈیاں بچوں کدے کدائیں گجھ
ایہجیاں گڈیاں وی ڈٹھیاں ہین جنہاں اُپر رتے رنگ نال کراس (+) بنیا ہونا
ہے۔ ایہہ نشان دُنیاں اک مشہور زمانہ رضا کار تنظیم واسطے مقرر کیتا گیا ہے
جسکی ریڈ کراس سوسائٹی آکھنے ہین۔

سویزر لینڈ نارہنے والا اک تاجر سی، جس ناناں ہینری ڈونانٹ، ایہہ
۱۸۵۹ء بچ اٹلی آیا۔ اُنہاں تہیاڑیاں اٹلی تہ آسٹریلیا بشکار ڈاہڈی جنگ
چھڑنی سی۔ تہ سول فرینوناں نے مقام اُپر دوواں ملکاں نیاں فوجاں اکس
دوے اُپر حملہ کرنیاں سن پیاں جس نے نتیجے بچ لاشاں نے ٹھیر لگی گئے سن۔
ہزاراں فوجی مارے یا پھٹے گڈے گئے۔ کوئی لاشاں چکنے والا نیہہ سی۔ ہر بکھی

زخمیاں ناچینکار تہ ہاڑے سنائی دینے سن۔ ہنری ڈونانٹ ایہہ نظارہ دکھی تہ
 بہوں دکھی ہويا۔ اُس کجھ اک لوکاں کی اپنے نال اس گل اُپر آمادہ کیتا جے
 اوہ زخمیاں فی مدد کرن۔ زخمیاں فی مرہم پٹی کری، اُنہاں کی مدد پہچانی اوہ
 سویزر لینڈ مڑی گیا ور جنگ نے ایہہ نظارے اُس اک ماسہ وی نہ پھلے۔
 اُس اک کتاب لکھی جس بچ ایہہ سارا حال احوال درج کیتا تہ نال ہی لوکاں
 کی اک اپیل وی کیتی جے اس قسم نیاں جنگاں بچ زخمی ہون والے لوکاں فی
 مدد واسطے کوئی رضا کار تنظیم ہونی چاہیے۔ بہوں لوکاں ایہہ کتاب پسند کیتی تہ
 ۱۸۶۳ء بچ اک باضابطہ رضا کار تنظیم بنائی گئی جس کی ریڈ کراس سوسائٹی نا
 ناں دتا گیا۔ اس تنظیم ناکم سی جنگ نے دوران ہون والی تباہی نامقابلہ کرنا تہ
 لُٹے پُٹے لوکاں فی نویں سربحالی واسطے انتظام کرنا۔ اج ایہہ تنظیم عالمی سطح اُپر کم
 کرنی ہے تہ اس تنظیم ناصر دفتر سوئزر لینڈ نے شہر جنیوا بچ ہے۔

ریڈ کراس تنظیم نے کجھ اک خاص اصول ہین۔ مثلاً انسانی قدراں فی
 راکھی کرنا، عالمی سطح اُپر لوکاں بشکار پہنائی چارہ قائم کرنا۔ انسان فی صحت تہ
 عزت بچانی۔ انساناں نے دکھ کھٹ کرنے، مذہب، ذات تہ سیاست فی بنیاد
 اُپر کوئی فرق نہ کرنا۔

بہر صورت پنج غیر جانبدار رہنا۔ تائیں تہ ریڈ کراس سوسائٹی ناکم صرف زخمیاں نادوادار و کرن تکر محدود نہیہ رہیا۔ ہُن ایہہ تنظیم محتاجاں، غریباں تے ناتواناں نی مدد وی کرنی ہے۔ زلزلیاں، کانگاں، اگ نیاں وارداتاں، طوفان ہور مصیبتاں پنج پھسنے والیاں لوکاں نی ایہہ تنظیم ہر ویلے مدد کرنی ہے۔

ہندوستان پنج ریڈ کراس سوسائٹی نا وجود ۱۹۲۰ء پنج قائم ہويا۔ اسویلے سارے ملک پنج اس نیاں ۶۴۰ شاخاں کم کرنیاں ہین۔ اساں نی ریاست پنج وی اس نی شاخ ۱۹۴۷ء پنج قائم کیتی گئی تہ اس ناصر مقام ریڈ کراس روڈ سرینگر اُپر واقع ہے۔ ریاستی گورنر اس ناصر ہونا جد کہ وزیر اعلیٰ اس نانائب صدر، ست سرکاری افسر تہ ست سرکاری معتبر لوک اس نے ممبر ہونے ہین تہ انہاں بچوں ہی اک اعزازی سیکریٹری چنیا جانا ہے۔ ہُن ضلع صدر مقاماں اُپروی ریڈ کراس کمیٹیاں قائم ہین جیہڑیاں ہر ویلے ضرورت مند لوکاں نی خدمت واسطے تیار رہنیاں ہین۔ ہُن سکولی بچیاں نے اندروی محتاجاں نی مدد کرن، محبت تے خلوص برتنا تہ اک دوے نے دُکھ سکھ پنج شریک ہون نا جذبہ پیدا کرن واسطے وی کمیٹیاں بنائیاں گئیاں ہین۔ اساں نی ریاست پنج

ریڈ کراس سُن قابلِ فخر کم کیتا ہے۔ ۱۹۴۲ء بچ اس تنظیم سُن جنگ بچ تباہ ہوئے لوکاں نی بہوں مدد کیتی۔ اس تھیں علاوہ وی کئی اک دُکھ نیاں کہڑیاں بچ اس تنظیم لوکاں نی بہوں حوصلہ افزائی وی کیتی تہ مدد وی۔ انسان تہ انسانیت نی خدمت واسطے ہُن عالمی تہ مقامی سطح اُپر بہوں ساریاں رضا کار تنظیمیں انہاں نیک کماں بچ اک دوے نی ہتھ بٹائی کرنیاں ہین۔

بلال احمر تنظیم ۱۸۷۲ء تھیں کم کر رہتی ہے۔ بلڈ بینک (Blood bank) قائم کیتے گئے۔ ایہہ تنظیم کسے وی ویلے انساناں نے کم آنے واسطے لک بنھی تیار رہتی ہے۔ تاں جے لوکاں نے دُکھ درد بندے جائی سکے ہور آپسی پہنائی چارے کی بڑھاواں دتا جائی سکے۔

1۔ اوکھے لفظاں نامطلب:

- رضا کار : کسے معاوضے باہج اپنی مرضی نال کم کرنے والا
 تاجر : بیوپاری تجارت کرنے والا
 پھٹے گڈے : زخمی جہاں نے وجودے اُپر پھٹ لگے ہون
 چینکار : رولا رونے ناشور غوغا

- آمادہ : تیار، کچھ کرنے نا ارادہ رکھنا
- لٹے پٹے : تباہ حال، کسے مصیبت ناشکار ہوئی اپنے کھر بار
تھیں ہتھ تھونے والے
- صدر دفتر : مرکزی دفتر، اوہ دفتر جتھے کسے تنظیم نے بنیادی
عہدے دار پٹھن۔
- غیر جانبداری: جیہڑا کسے نا طرف دار نہ ہووے
- دوا دارو : دوا، علاج
- کانگاں : سیلاب، ہاڑ

2۔ مندرجہ ذیل سوالاں نے جواب دیو:

- (۱) اٹلی تہ آسٹریلیا بشکار جنگ کس سن بچ ہوئی؟
- (۲) ہنری ڈونانٹ اپنی کتاب بچ کہہ اپیل کیتی؟
- (۳) عالمی ریڈ کراس سوسائٹی کدوں وجود بچ آئی؟
- (۴) عالمی ریڈ کراس سوسائٹی نامنڈ ہلا مقصد کے سی؟
- (۵) ہُن ایہہ تنظیم کے کچھ کم کرنی ہے؟
- (۶) ہندوستان بچ ریڈ کراس سوسائٹی کدوں قائم ہوئی؟

(۷) ریاست جموں و کشمیر بچ ریڈ کراس کدوں وجود بچ آئی؟

(۸) ریڈ کراس سوسائٹی نے منڈ ہلے اصول لکھو۔

3- ہیڈ ماسٹر ہوراں نے ناں اک درخاس لکھو جس بچ سکول اندر اک ریڈ کراس کمیٹی قائم کرنے فی اجات منگی گئی ہووے۔

4- خالی جگہاں کو مناسب لفظاں نال پھرو:

(۱) اٹلی تہ آسٹریلیا بشکار ڈاڈی.....چھڑی فی سی۔

(۲) ہزاراں فوجی مارے یا.....گئے۔

(۳) ہنری ڈوناٹ ایہہ.....تہ بہنوں دُکھی ہو یا۔

(۴) لوکاں فی مدد واسطے کوئی.....ہونی چاہیے۔

(۵) اس تنظیم ناصر دفتر.....نے شہر.....بچ ہے۔

5- انہاں عنواناں نے متعلق دس دس جملے لکھو:

(۱) ریڈ کراس سوسائٹی ناکم

(۲) ماہڑا دوست

